



Broj: 06-08-1-2303-1/2023  
Sarajevo, 22.06.2023. godine

## SVI SUDOVI U BOSNI I HERCEGOVINI

N/r predsjednika/ce suda

**Predmet:** Informacija, dostavlja se

Poštovani,

Kriterijima za ocjenjivanje rada sudija u Bosni i Hercegovini u odredbi člana 16. stav (1) tačka c) („Službeni glasnik BiH“, broj 1/21) propisan je osnov za posebno bodovanje radnog rezultata sudije sa nedovoljnim brojem predmeta u radu za ostvarenje propisane godišnje orijentacione norme na način da se ostvareni rezultat rada sudije boduje po osnovu procenta riješenosti predmeta u njegovom zaduženju, a ne prema ostvarenju godišnje orijentacijske norme.


Nadalje, u članu 4. stavu (2) Uputstva za primjenu Kriterija za ocjenjivanje rada sudija u BiH i Kriterija za ocjenjivanje predsjednika sudova u BiH broj 06-02-3-3659-1/2022 od 09.11.2022. godine detaljnije su propisani parametri na osnovu kojih ocjenjivač razmatra pojedinačne predmete sudije sa nedovoljnim brojem predmeta u radu za ostvarenje propisane godišnje orijentacijske norme i donosi odluku o eventualnom izuzimanju konkretnih neriješenih predmeta iz obračuna rezultata u pogledu procenta riješenih predmeta. U navedenoj odredbi naznačeni su slijedeći parametri koje je ocjenjivač dužan analizirati u odnosu na pojedinačne neriješene predmete: opterećenost ocjenjivanog nosioca pravosudne funkcije u radu na predmetima (broj predmeta u zaduženju u periodu ocjenjivanja), vrijeme zaprimanja predmeta u sud, zakonski i optimalni rokovi za rješavanje predmeta i stepen ispunjenosti obaveze uzimanja predmeta u rad po starosti inicijalnog akta, kao i predmete za zakonskim i procesnim smetanjama.

Analizom procesa izvještavanja i ocjenjivanja rada sudija i predsjednika sudova za 2022. godinu utvrđeno je da određen broj predsjednika sudova prilikom sačinjavanja izvještaja o radu i provođenja postupka ocjenjivanja rada sudija nisu na adekvatan način tumačili odredbu člana 16. stav (4) Kriterija za ocjenjivanje rada sudija, odnosno člana 4. Uputstva. Na nepravilno tumačenje pomenutih odredaba ukazuje okolnost da je određeni predsjednik suda sa nedovoljnim brojem predmeta u radu naveo u izvještaju o radu suda i obrascima za izvještavanje o ocjenjivanju rada sudija da su sve sudije u tom sudu ostvarile 100% riješenosti predmeta iz njihovog zaduženja u protekloj godini. Slijedom uočenog, **Stalna komisija za efikasnost i kvalitet sudova u VSTV BiH je na sastanku održanom 06.06.2023. godine usvojila zaključak da su predsjednici sudova dužni da prilikom izvještavanja o radu suda i ocjenjivanja rada sudija i predsjednika nižestepenih sudova primjenjuju dodatnu pomoćnu tabelu „Obrazloženje za predmete koje s obzirom na vrijeme zaprimanja u sud i zakonske rokove za preduzimanje radnji u predmetu nije mogao riješiti sudija ocijenjen u okolnostima nedovoljnog broja predmeta“.** Svrha propisivanja obaveznog

korištenja predmetne tabele je da se osigura da predsjednici sudova pravilno analiziraju i utvrde radne rezultate sudija za koje prethodno utvrde da rade u okolnostima nedovoljnog broja predmeta u radu za ostvarenje propisane godišnje norme. Navedena tabela se dostavlja u prilogu ovog dopisa.

Prednja informacija vam se daje na znanje. Dodatno se napominje da će ova tabela biti dostupna na Internet stranici VSTV BiH, te da će biti sastavni dio materijala za izvještavanje i ocjenjivanje rada sudija i predsjednika sudova za 2023. godinu

S poštovanjem,



Prilog:

- Pomoćna tabela - „*Obrazloženje za predmete koje s obzirom na vrijeme zaprimanja u sud i zakonske rokove za preduzimanje radnji u predmetu nije mogao riješiti sudija ocijenjen u okolnostima nedovoljnog broja predmeta*“

Dostaviti:

- Naslovu,
- a/a.